



Broj: 04-07-1-730/23
Sarajevo, 15.03.2023. godine

"PRIJEDLOG"

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Ministarstvo komunikacija i transporta Bosne i Hercegovine podnosi

IZVJEŠTAJ O RADU

Ministarstva komunikacija i transporta Bosne i Hercegovine za 2022. godinu

I - UVOD

Ministarstvo komunikacija i transporta Bosne i Hercegovine (u daljem tekstu: Ministarstvo), obavlja upravno-pravne poslove u sljedećim upravnim oblastima:

- politika i regulisanje zajedničkih i međunarodnih komunikacionih uređaja;
- međunarodni i međuentitetski transport i infrastruktura;
- pripremanje ugovora, sporazuma i drugih akata iz oblasti međunarodnih i međuentitetskih komunikacija i transporta;
- odnosi s međunarodnim organizacijama iz oblasti međunarodnih i međuentitetskih komunikacija i transporta;
- priprema i izradu strateških i planskih dokumenata iz oblasti međunarodnih i međuentitetskih komunikacija, transporta, infrastrukture i informacionih tehnologija;
- poslove kontrole neometanog transporta u međunarodnom transportu;
- civilno vazduhoplovstvo i kontrola vazdušnog saobraćaja.

Poslovi iz djelokruga Ministarstva obavljani su u 2022. godini u okviru programskih zadataka predviđenih u usvojenom Programu rada Ministarstva za 2022. godinu, nacrtu Srednjoročnog programa rada Savjeta ministara Bosne i Hercegovine za period 2022 - 2024. godine i nacrtu Srednjoročnog plana rada Ministarstva za period 2022 -2024. godine.

Realizacija programskih zadataka odnosila se na sljedeće opšte ciljeve:

- **Pametnan rast:**
 - Strateški cilj: "Povećati industrijsku konkurentnost";
 - Srednjoročni cilj: "Unapređenje sektora komunikacija, informacionog društva i poštanskih usluga uz usklađivanje regulatornog okvira sa EU standardima"),

- **Održivi rast:**

- Strateški cilj: "Ravnomjieran regionalni razvoj";
- Srednjoročni cilj: "Stvaranje uslova za uspostavljanje kvalitetnijih, efikasnijih, bezbjednijih i savremenijih sistema transporta i komunikacija u Bosni i Hercegovini".

Komunikacije i informaciono društvo

Aktivnosti u oblasti komunikacija i informacionog društva provodile su se u okviru opšteg cilja: Pametan rast - Strateški cilj: "Povećati industrijsku konkurentnost"; Srednjoročni cilj: "Unapređenje sektora komunikacija, informacionog društva i poštanskih usluga uz usklađivanje regulatornog okvira sa EU standardima". U realizaciji postavljenih ciljeva Ministarstvo je učestvovalo kroz sljedeći program i projekte:

Program: "Komunikacije, informaciono društvo i poštanske usluge";

Projekti:

1. Izrada propisa i akata iz oblasti komunikacija, informacionog društva i pošta u Bosni i Hercegovini i usklađivanje propisa sa EU zakonodavstvom;
2. Standardizacija korisničkog softvera i upravljanje softverskom imovinom u upotrebi u institucijama Bosne i Hercegovine;
3. Projekat digitalizacije Javnih radiotelevizijskih servisa u Bosni i Hercegovini.

U okviru projekta "Izrada propisa i akata iz oblasti komunikacija, informacionog društva i pošta u Bosni i Hercegovini i usklađivanje propisa sa EU zakonodavstvom" koji obuhvata niz aktivnosti - priprema koncepcija za izradu zakonskih propisa; formiranje radnih grupa; priprema koncepcija za izradu Nacrta zakona o Javnom radiotelevizijskom sistemu Bosne i Hercegovine; priprema koncepcija za izradu podzakonskih propisa; formiranje radnih grupa i priprema koncepcija za izradu podzakonskih akata - ističe se sljedeće:

Prednacrt Zakona o javnom radiotelevizijskom sistemu u Bosni i Hercegovini je pripremljen ali nije upućen u dalju proceduru zbog toga što još nije autorizovan od strane svih članova Radne grupe. Daljnji rad Radne grupe je onemogućen jer Odbor Sistema javnih RTV servisa Bosne i Hercegovine još nije delegirao nove članove koji će zamijeniti dva svoja člana kojima je prestao mandat.

Napominje se da je na 55. sjednici Savjeta ministara Bosne i Hercegovine, održanoj 25. 8. 2022. godine, usvojen Program rada Ministarstva za 2022. godinu uz odgovarajuću korekciju tj. izuzimanje Nacrta zakona o kibernetičkoj bezbjednosti mrežnih i informacionih sistema u Bosni i Hercegovini.

Što se tiče Odluke o osnovnim kriterijumima koje moraju ispunjavati zainteresovani subjekti za dobijanje ovlaštenja za vršenje poštanskih usluga, nije se pristupilo izradi predmetne Odluke jer nije usvojen novi Zakon o poštanskom sistemu u Bosni i Hercegovini.

Planirani dokumenti Smjernice o bezbjednosnim kopijama, Smjernice o zaposlenju i prekidu zaposlenja, Smjernice za izradu metodologije procjene rizika i Smjernice o korisničkim računima i pravima pristupa, usvojeni su i objavljeni u „Službenom glasniku BiH“ broj 62/22.

Vezano za projekat "Standardizacija korisničkog softvera i upravljanje softverskom imovinom u upotrebi u institucijama Bosne i Hercegovine" ističe se da je uspješno okončana procedura javne nabavke Microsoft licenci i usluga vezanih za licence.